



Inatsisartunut aaliangiiffigisassatut siunnersuut Naalackersuisut UPA 2017-imut peqquneqassasut inuusuttut 16-iniit 29-nik ukiullit ilanngullugit suliffissarsiortutut allatsissimasut, ilinniagaqalernissaat suliffittaarnissallu siunertaralugu immikkut ittumik pilersaarusiussasut.

(Inatsisartunut ilaasortaq Múte Bourup Egede, Inuit Ataqatigiit)
(Siullermeenera)

Qujanaq siunnersuuteqartumut qulequtaq pingaarutilik qaqqimmagu. Nalunngilarput nunani allani inuusuttut akornanni suliffissaaleqisut amerlingaangata inuunerup sinnerani inuusuttut sulinissamut piumassusaat annikillisarqoq imaluunniit sulerusussusiat nattaqqallisaalersartoq, inuttut mattuttartut, akissarsiatigut kinguussaarujuussuuartartut, ajornartorsiutinullu qanittuaranngartartut, taamaattumik inuusuttut akornanni suliffissaaleqineq erloqinartutut isigineqartariaqarpoq.

Spaniamiut periusaat kingorna franskinit kingornunneqartoq naapertorlugu ajornartorsiutit immikkuullarissut nunami maani eqqarsaatigisariaqarpat. Spaniami Frankrigimilu sualummik, 1997-miit 2007-mut illut akitsorujussuarput piffissamilu tassai inuusuttunut ilinniagaqarani sulisartuuneq pilerinartupilussuovoq, illulli iluanaarniutigineqarnerat ajalusoormat inuusuttut suliffissaaleqilerput ilinniagaqaratillu tamannalu nunanut annertuumik ajornartorsiortitsivoq - aamma aningaasarsiornikkut ajornartorsiornerup kinguneru suli atuupput aamma suliffeqarnermik aqqissuussisarnerat.

Demokraatinut ilinniartitaaneq suli pingaarnepaajujuarpoq aamma nuannaarutigaarput Naalackersuisut Inatsisartunik, nunap immikkoortuinik aamma nuna tamakkerlugu attuumassuteqarlutik suleqataasunik suleqateqarlutik immikkoortumi iluarsiiinarsarimmata, ilinniartitaanermut naalackersuisoqarfimmiinnaanngitsoq aamma Inuussutissarsiornermut Suliffeqarnermullu Naalackersuisoqarfimmi. Kaammattuutigissavarput assigiinngitsunik ilinniagallit qanimut suleqatigiissasut immikkoortunullu marlunnut Naalackersuisut suleqatigiissasut imminnullu ilisimateqatigiittassasut sualummik inuusuttunut suliniutit pillugit.

Demokraatillu tungaaniit erseqqissaqqissavarput ilinniartitaaneq - meeqqat atuarfiat ilanngullugu - immikkoortuummata pisariaqartitsilluinaqqissaartut uangut Inatsisartut qimoqatigiinnissatsinnut, soorlumi siunnersuuteqartoq siunnersuummini taamatut allattoq. Taamaattumik siunissami suleqatigiinnissarput qilanaaarput tamannalu tunngavigalugu siunnersuutip akuerineqarnissaa inassutigalugu ataatsimiititaliami susassaqartumi



oqaluuserineqareerpat aamma taamatut kaammattuutigissuarput ataatsimiititaliat assigiinngitsut
suleqatigeeqqullugit.

Qujanaq oqaaseqarsinnaagama.